

瑤

華

集

瑤華集卷十五

永遇樂

十六首

歸朝懽

一首

瀟湘逢故人慢

平仄二體
二首

南浦

四首

花心動

三首

二郎神

第二體
三首

尉遲杯

二首

秋霖

一首

花發沁園春

二首

西河

二首

解連環

三首

鼓笛慢

一首

望遠行

四首

菩薩蠻慢

一首

望梅

一首

傾杯樂

一首

夜飛鵲

一首

望海潮

十四首

望湘人

五首

飛雪滿群山

一首

青門飲

一首

折紅梅

一首

薄倖

五首

一萼紅

五首

一寸金

六首

大聖樂

一首

鬲馬索

二首

八犯玉交枝

一首

永遇樂

中秋大雨

錢謙益

三五中秋一場敗興雨淋風裂問訊姮娥今宵此夜幽
悶如何說輝寒玉臂光凝翠黛長是孤眠時節任淒涼
免掩蟾遮免照半牀愁髮晚來粧了插花看鏡恍似

身臨瑤闕燭滅香殘暗風吹雨魂夢空淒切月宮深鎖
桂輪何處莫被愁人攀折應自恨青天碧海茫茫拜月

十七夜月

白髮盈頭清光照眼老顛思裂折簡徵歌釀錢置酒漫
浪從他說銀箏画鼓翠舂檀板恰稱合歡佳節隔船窗
暗笑低顰一縷歌喉如髮生公石上周遭雲樹遮掩
一分殘闕天上霓裳人間桂樹曲調皆清切干戈滿地
鳥驚鵲繞一寸此時心折憑誰把青天淨洗長留皓月

度雁門關

朱彝尊

千里重關憑誰踏徧雁啣蘆處亂水滹沱層霄冰雪鳥

道連勾注。画角吹愁。黃沙拂面。猶自行人來去。問長途。斜陽瘦馬。又穿入離亭樹。猿臂將軍。鴉兒節度。說盡英雄難據。竊國真王。論功醉尉。世事都如許。有限春光。無多山店。醇酒徒成虛語。垂楊老東風。不管雨絲煙絮。

和辛幼安

余懷

擘脯彈箏。杖矛舞蔗。忼慨如此。壯士橫刀。美人却扇。總爲多情使。胸中五岳。夢中三島。不覺一時墮起。歎浮生短衣破帽。應羞碌碌餘子。天涯衰草斜陽。歸騎認得蕭蕭故壘。四十九年青樓白馬。一覺揚州耳。謝家安石王家逸少。日在風流叢裏。從今後及時行樂。逍遙而已。

軒中遣懷

馬鳴鑾

寺角殘霞城邊碧。懋人影微路靜掩荆扉。蛩吟草砌一
陣黃梅雨。離騷讀罷湘簾半捲。策杖池間徐步。漫回頭
軟塵京雒。那得閒情如許。科頭嘯咏。烏衣王謝。載酒
同看玉樹。貌換凝脂。文慚窺管。暫伴雙溪住。乾坤俯仰
百年時序。惟見鷗群來去。且沉醉榴花石畔。煙朝月暮。

柳絮

宋 竿

望去非花飄來疑雪。輕薄如許。未作浮萍已離深樹。此
際誰爲主。隋堤三月。幾回翹首。一片漫天飛舞。最堪憐
無根無蒂。總被東風弄汝。踏歌魏女。離情多少。問道

春光何處乍撲空。簾旋黏芳徑，好倩鶯脚取還。思往日，鵝黃初染，變態頓分今古。枉垂着長條，踈地綰伊不住。
新秋康山雨集送園次還吳門 邵漢儀

二十年前曾來臺上看殘歌舞。明月難留彩霞易散。紅袖都黃土。今秋重到却驚亭榭不似西州舊路。歎堂前飛飛燕子，祇益江山愁苦。且同把酒，邗城絕頂坐瞰六朝煙樹。驀地雲生風雷大作，龍吼滄江雨。應看鐵甕新潮灌注，催送離人雙櫓。但不識此番別後，更逢何處。

送周雪客返白門

宗觀

公瑾毋歸一鷓須盡歡呼。搥鼓崩浪驚喧，寒潮空打天。

塹長江渡火黑湘煙水飛溻海只恁爭龍鬪虎趁紅橋
垂楊絲柳還記玉簫吹處。回思又手信陵門下轉眼
升沉無數避席當筵停鞭舊巷瞞過秋雲覩那知華胄
風流文采不倚東都門戶。但此去茫茫哀樂誰堪共語

春暮

徐汾

雨雨風風柳綿飛盡春又歸去錦榭香臺尋芳自遣沒
個留人處夕陽樓閣秋千庭院都道玉兒曾住想當年
歡容笑靨坐聽末夜簫鼓。星移物換悲來樂往天也
將人厮妬有限韶光朝雲暮靄斷隔巫山路鏡中霜滿
腰間帶減枉費一生詞賦堪怨殺杜鵑聲裏落紅無數

題惠山松石

陳維崧

虎踞龍偃獅蹲象偃人立而僂鐵幹盤峯銅根倔強勢
欲排天去老苔秋縛怒濤夜吼捲盡蒼茫今古鎮支離
千圍古翠祗容冷雲堆絮誰眠其下却驚石丈橫礙
松根蟠處鳥雀呼風兒童敲火碧滙千鐘乳銅駝頭角
石鯨鱗甲噲等何堪信伍看月下頽然二老幻成翁媪

京口渡江用辛稼軒韻

如此江山幾人還記舊爭雄處北府軍兵南徐壁壘浪
捲前朝去驚帆蕪水崩濤颭雪不爲愁人少住歎永嘉
流人無數神傷只有衛虎臨風太息髯奴獅子年少

功名指顧北拒曹丕南連劉備霸業開東路而今何在
一江燈火隱隱揚州更鼓吾老矣不知京口酒堪飲否

寓意懷人

徐倬

曾記兒家綠荷香裏脩竹無限髮鬢雙鬢天紅兩頰簾
底溪溪見避人佯態兜人軟語好似藕絲難斷弄嬌痴
溪憐花鴨共閒繞池塘徧分攜許久鶯花杜曲儘見
慣司空眼冶葉倡條都應遜却舊壘紅襟燕怕伊猜道
樊川薄倖不信雨愁雲怨好倩與南飛雁字寄聲短歎

農事

李符

築岸溪頭占霞壠上還援秧信洗簇分蠶編欄護鴨似

燕忙無定腰鎌初試青裁莎草細結釣衣成領長相伴
秋機織婦絮語荻簾燈影。垣泥缺處木香不斷碌磣
研場如鏡稻把晴收芥臺晚割步碓連庖井前村畊粳
邀嘗臘瓮寒渚自搖歸艇。休忘却梅根撥雪吮花夜醒

癸丑上巳東溪脩禊

潘 耆

錦纜籠沙紅欄委浪一碧無際催暝鳩啼拖涼荇滑隔
浦春寒細滿裙令節偏將絲雨漆滿一川空翠便教他
冥濛滴瀝正應恁時脩禊。年年此日酒痕花淚零亂
俊遊衫袂水上麗人山陰修竹往事都休記莫停檀板
且俛紅袖此會後賢應繼歸來也明朝花下問他晴未

前題

蔣景祁

挑菜年時踏青節候春色如許一帶清溪半天翠壁彷彿山陰豔風花淡淡雨絲片片舟繫綠波南浦憑脩禩良朋俊侶盡日竟忘歸去垂楊水榭雲煙滿目記取風流小杜愁見桃花溼紅憔悴落盡餘空樹酒杯行後錦箋題起却道今人勝古倩誰寫茂林脩竹蘭亭再譜

舟中感舊

閨秀
徐燦

無恙桃花依然燕子春景都別前度劉郎重來江令往事何堪說逝水殘陽龍歸劍杳多少英雄啼血千古恨河山如許豪華一瞬拋撇白玉樓前黃金臺畔夜夜

只留明月。休笑垂楊而今金盡。穠李還消歇。世事浮雲
人情飛絮。都付斷猿悲咽。西山在愁容慘黛。其人悽切
歸朝懽

澄海樓

九 侗

家在芙蓉江畔。住兩槩沙棠。桃葉渡。天風吹我北溟來。
茫洋一望無窮處。漫將秋水註。此時好讀玄虛賦。倚危
樓不聞呼嘯。滿目驚風雨。却恠馮夷綠底怒。白馬乘
潮鳴。急鼓。鮫人又喜起。樓臺璇宮。出市珊瑚樹。風鬢霧
髻。女戲。彈寶瑟來迎汝。趁漁舟一聲欸。乃送我蓬壺去。

瀟湘逢故人慢

平仄二體

送徐屈父游閩

錢繼章

寒梅凍勒看椒紅未吐。豈綠微搓。春意覺婆娑。正此際
花下早促鳴珂。白雲千里望迢迢。幾點青螺。悵往者金
鰲背上皇華。曾此經過。再游處滄桑改。問當時碧波
青草如何。且擊節高歌。漸新鶯繞樹。舊燕尋窠。佳山勝
水。幾長嘯。硯礪消磨。靡蕪外誰來念我。江南煙雨漁簑。

張晴峰脩雷琴成有贈

曹貞吉

千年神物是天寶。元音宣和遺譜。零亂金徽。苦想閱遍
繁華。遽然今古。流水高山。彈不盡。喁喁兒女。當此際。燕
市重逢。白髮郎官知汝。續鸞膠。調鳳珠。早韻磬琤琮。

響泉淒楚百衲還堪鼓似海岸宵冥成連徑去危柱哀絃抵多少驚砂飛雨再等到蛇蚶成紋又是幾番旦暮

南浦

秋水用玉田詞韻

曹貞吉

片月映寒汀碧澄澄人對江山清曉綠淨繞柴扉晴磯上已有垂楊先掃蘆花似雪連拳鷺占圓沙小淡抹遙天渾一色夾岸黏雲衰草百川爭赴長河看魚牀燈火黃昏近了白露老蒹葭清歌發無數采菱船到平湖浩渺芙蓉落盡空潭悄又是霜明清冷此際撈蝦人少

春水用前韻

龔翔麟

人柳乍三眠聽流澌廢苑春光纔曉臘雪未全消寒沙
外半舊苔痕誰掃東風幾日鴨頭新漲水錢小是處翠
波通短櫂冷浸六朝芳草朱闌幾曲斜歸影弓弓千
里香踪不了漂出落花多紅橋口曾有浣衣人到遙峰
縹緲霽蟾飛下游人悄道是新煙未禁燈舫秦淮還少

前題

沈皞日

新雨漲江沙倚蘭橈正值江亭初曉隄墜亂桃紅紅橋
下斜映花陰如掃波紋沁碧一雙燕子凌波小乍昏晴
絲還又轉却誤銜來萍草漫從南浦催歸是閒情客
裏春遊未了雙槳載笙歌鴛鴦起何處画船吹到曲終

渺渺前溪漸覺鶯聲悄。寒食今番過也。報道漸裙人少。

秋水

隔岸采芙蓉。欵柴門露溼橫塘清曉。如鏡洗遙空。前汀
遠雪影。蘆花誰掃。荒溝曲港。斷橋紅葉流來小。催暝漁
歌雲外起。一片愁人衰草。數峰側映蒼茫。看閒鷗對
對江邊去了。冷落舊苔痕。臨風處記得采蓮曾到。而今
渺渺。有誰獨倚紅樓悄。道是瀟湘未遠。天際歸帆還少。

花心動

蜻蜓

朱彝尊

舞拂波光齊。上下早是薰風池館。蟬翼還輕。蠶尾偏長。

記取狐梨曾喚釣絲愛向人前立見幾度欲飛猶緩花
陰小伯勞穿過也能偷眼點水移時款款乍紅裊菱
枝翠停荷管卷幔涼多傍檻晚晴影織夕陽莎岸有時
忽上玉搔頭全不怕佳人羅扇纖羽響一剪鬢雲撩亂

早秋

彭孫過

幾陣西風涼氣滿林下乍收殘暑極目江天蹴雪驚沙
千里迢遙吳楚殷勤謝茱萸灣水爲儂好向秦溪去還
恐怕關山重叠雙魚無據冉冉年光欲暮正思歸未
得含情誰語待折疏華寄取一枝又遠隔層城路倚樓
人聽斷腸聲悲秋客到傷心處江南夢一曲瀟瀟暮雨

燕京清明

陳履端

此日江南襯桃痕。綠楊斜拂朱戶上。塚人忙。裙屐香泥。
碧草紙錢飄處。前村春社人扶醉。應笑我天涯。羈旅真
辜負。燕笋初肥。鯊魚細縷。多少狂朋俊侶。儘寫就紅
箋題完白苧。何事年來落拓京華。情比軟風絲雨。春衫
黥了倩誰憐。只夢裏鄉關。囁語煙光好。丁香漸開無數。

二郎神 第二體

憶富春舊游

彭孫適

富春七里水拖藍。游鱗堪數。看來往雲帆淺。淡沙石渺
渺。青谿漁浦。南北峰頭登臨處。望不盡斜陽疎樹。悵星

子臺空桐君佩冷舊游何許。羈旅又經幾度他鄉寒
暑。自芍藥花殘櫻桃夢醒腸斷錦鞋一賦謝客滄洲潘
郎綠髻踪跡猶然朝暮算只有山中明月江上清風如
故。

咏黃石榴花

董俞

緋衣阿醋忽改做道家粧束看滿額鵝黃天然雅淡絕
勝猩紅鴨綠堪與姚家稱姊妹真一樣嬌姿絕俗有林
外黃鸝飛來一色繁枝如簇空谷儘堪長日伴人幽
獨似憔悴慙慙霍娘病起瘦比籬邊殘菊插向雲鬟金
釵掩映不是丹葩穠郁想飛霜一夜秋苞拆盡珀珠盈

掬

登燕子磯秋眺

朱一是

岷峨萬里見渺渺水流東去指遠近關山參差宮闕起
滅長空煙霧南望滄溟天邊影辨不出微茫盡處歎三
楚英雄六朝王霸消沉無數從古長江天塹飛艤難
渡自玉樹歌殘金蓮舞罷倏忽飛鳥走兔燕子堂前鳳
凰臺畔冷落丹楓白露但坐看狎鷗隨浪漁父扁舟朝
暮

尉遲杯

聞笛

王舟瑤

吳皇路正晝。水綠蔭生深樹。鶯鶯燕燕都無空說水鄉佳處。誰家鐵笛偏巧作關山一聲度。漸伊州改入霓裳送將離恨無數。還憶小苑朱唇常時節。含宮嚼徵如訴裂石穿雲。梅花落仍愛情曲終起舞。何能聽江城折柳。又添得斜風織細雨。念生平南北東西幾時真箇歸去。

題朱錫鬯蕃錦詞次葆汾韻

高層雲

詩人句被詞人接。入紅牙去不須減字偷聲自合天然。機杼鼠鬚纔舉便灑落魚箋。煙一縷愛搜殘插架筠籤。腹笥任教援取。閒情況兼離緒。還吟向犀帷燭影深。

處漢上題襟斜行字總染上楚蘭吳紵笑片玉尊前誰
數傍月底雙鸞脩簫譜喚越舫竝載堯娘一曲曉鶯春
序

秋霽

嚴陵釣臺

朱彝尊

七里灘光見擁樹歸雲石壁銜照漁火猶存羊裘未敝
只合此中垂釣客星曾老算來無過煙波好况有箇借
隱市門仙女定娟妙當此更想去國參軍白楊悲風
應化朱鳥翠微深鷓鴣飛處半林茅屋掩秋草歷歷柁
樓人影小水遠山遠君看滿眼江山幾人流涕把薜苔

掃子陵梅福之壻參軍謂謝臯羽有西臺痛哭記

花發沁園春

月夜飲綠萼梅下

陳維崧

借月爲花將花做月濛濛一樹皺玉銀腕飾春瓊簫暖
夜值得珍珠幾斛冰肌睡足更掩映紅綃六幅念月姊
徹夜孤寒梅妃自小幽獨花影風搖簌簌任春城夜
闌画鼓頻續金爐燼處珠斗斜時月與梅花微綠清輝
滿目拚吹滅枝枝銀燭夜深沉我醉休扶和月和花同
宿

重過函山書屋

沈岸登

下馬金臺征衣未換便尋柳下離席。小亭東畔闌檻依然猶記道南推宅酒人去矣。悵幾度春風消息。又樹樹爭試輕紅絲絲閒弄寒碧。鞞鼓蘆笳疇昔。被鄰雞中宵催起行色。三年竹徑千里霜橋總是驚心南北。而今問訊誰伴我冷花斜日。算只有燕子空梁離愁說與知得。

西河

西沈落暉

史可程

蘋風細。秋旻一碧如洗。蓮花欲謝。展冰奩靚粧嬌倚。江妃纖手。弄金盆波光滉漾霞綺。魚濯錦楓吟紫。琉璃

萬頃紅碎魂銷目醉競商飈鐵笛橫吹俄然暝色入高樓
輒乾坤滿眼憔悴孤帆黏影遠天際歎征蓬異景難繫
噫嘻吾今老矣但時攤秋水朗吟而起何暇更尋人間事

成都懷古

魏學渠

繁華地追談往事興廢花圍錦繞舊蠶叢三都屹起千秋
萬歲種芙蓉香風暗度天際浣溪曲愁邊倚扁舟載酒誰繫
傾城花葉付西風蒼涼玉壘蜀王宮殿盡平蕪摩訶池上流
水半彌八陣今還在想英雄橋名萬里望帝不知何世一聲聲
寫怨消魂如此雨作淚珠淋

鈴裏

解連環

蘆花

錢芳標

暮江蕭瑟滿江洲。點綴楚天秋色。暎一片錦樹枯荷。肯
漫學東風。柳綿無力。雪意垂垂。恰藏個小船吹笛。伴閒
漁。露頂宿鷺。聯拳一般頭白。宵來緒風漸側。捲銀濤
萬點。頽岸千尺。認空濛霧雨聲中。却蟾影低篩雁程。遙
碧憔悴徐娘。悵老去風情非昔。記年時湔裙水畔。嫩芽
乍坼。

前題

曹貞吉

驚風淒切滿江干。一片凍雲吹折。飄萬點不辨東西。枉
賺得行人鬢絲添雪。明月光中隱。沙岸鴻聲清絕。更閒
隨釣艇。暗入柴門伴人騷屑。助他怒潮。嗚咽捲興亡。
舊恨浪花明滅。笑垂楊只解飛綿。難點上征衣。迷離成
鐵露冷蒹葭。還記得綠芽如髮。問故家秋娘何在。風流
消歇。

秋夜感舊

孫致彌

豆花微雨。傷半窗孤影。做成酸楚。枉。怨恨春帶愁來。怎
解事。秋風不吹愁去。誰家方響。細按徹雲藍小部。正涼
欺瘦骨。尋思舊夢。醉曹騰處。歸舟字能認否。只燒香

汲井分明蟾虎。悄記得茉莉香中伴。玉漏聲沉水肌無
暑。仙袂蟬紗映淡月。輕如綸絮。倍姮娥不爲人圓看看
四五。

鼓笛慢

八月十七吳友數人集寓齋

錢芳標

統如雙下花奴。摻先喚起參差玉。問誰人偷向姮娥桂
殿演霓裳新曲。欲斷還聯處。香檀拍幾回頻促。喜鵲絃
宛轉。鵝笙瀏亮。鈞天夢依稀續。 浹耳吳音。纖軟數舊
傳。漫誇曹穆。四筵屏息。一絲徐引。有梁塵暗款。漂泊京
華。客身疑在半塘。船宿漸紅霞。映樹秋河。絡角任燒殘。

樺燭。

望遠行

蜀宮懷古

魏學渠

摩訶池上春颺度紫禁周垣如故
嵬峩殿闕高下宮亭
幾歲迷離煙樹玉壘蠶叢算道
千年興廢歷歷江山如
許最傷心朝夕唯聞杜宇
無據試上武擔遐眺剩絲
柳枯杉無數花蓋香畱支機石在
却見精靈來去憶得
青巾白馬賢王殉國俯仰荒城
今古但一泓智井蒼涼
風雨。

秋煙

葉末年

將無做有平蕪外蕩漾天光欲暮看時偏淡沾着還濃
恰似新愁縷縷萬緒千絲遮莫金風剪剪依舊蕭疎如
許最難禁人在殘陽微雨 延佇一帶瀟湘影裏早鎖
却前山楓樹吳宮紫玉帳裏紅顏隱隱水綃深處擬向
蘭橈問渡青帘賒酒躑躅幾回迷路但語雁遙空聲聲
來去

春暮蕪城偶感

葉舒崇

平原瀟迤紅霞抹惆悵春光纔暮幾番花謝一陣風狂
做就隋宮綠樹無限興亡贏得竹西三月歌吹年年如
許最傷神又值江天梅雨 相語只有斜陽一片也曾

見錦帆無數螺黛香消瓊簫夢斷行雨蕭娘何處試看
蒼苔沒井白楊滿地怕讀鮑昭遺賦聽杜宇聲聲勸人
歸去

郊外見梅

沈皞日

石城一帶見江上無數遙山環翠柳綿初煖杏蕊微含
正值煙林新霽茅屋三間低亞藤蘿牆外偏是垂垂獨
倚惹行人多少爲伊回騎凝睇石窗暗香動處問昨
夜伴誰憔悴詞客鏡前玉人夢裏留此吟牋無計不向
故園拳石橫斜清曉却傷江南天氣欲開尊桃葉春風
如醉

菩薩蠻慢

龍虎山道中

董元愷

好風輕策正千巖。深隱萬峰開闢。更逶迤路轉谿迴。望
鳥道羊腸。恁雲崎石。或象鳴雞。遠勢立而如跖。或蹲如
獅子。直欲搏人。怒而相格。或似排空劍戟。或盆罌如
覆星羅。如奕或飛流瀑布。泛若波濤。或積翠層樓。窈如
窟宅。或画長蛾。倏忽陰晴。金碧景殊佳。而今日日山行
也得。

望梅

春城望紙鳶

陳維崧

夾衣初颺，漸梅鬚墮粉。桃腮堆絳，鴨頭波倒浸。春雲嵐日美。一天紙鳶都放隊。隊兒童競喧笑。綠楊門巷，正偷將殘線，趁取新晴恣情游賞。將扶乍低旋漾，把溪煙攪碎，晴空撲響。漫掠他青粉牆西，惹翠袂遙凭。紅闌凝望。急景難淹。又天半夜燈初上。見火蛾縈繞，飛下雪梨千丈。

傾杯樂

送次山再之濟上

蔣未修

何處驅愁，此間亦樂遊。方汗漫，正春淺，花疎日淡。一鞭又指任城古縣。南池賓從遲，懽懽奈當筵聽朝雨。陽關

聲緩。橋名情盡。贏得柳梢折短。記太白當年行遍。怕
今日風流香令散。重攜到彩筆如椽。百篇斗酒詩卷。曾
幾度登高望遠。莫惹起浮雲宮殿。離思好長。則寄女媧
陵畔。

夜飛鵲

席上有憶

鄧漢儀

幾番何遜宅。讌飲連宵。劇憐霜市星橋。而今時事翻騰
極。秋來着意蕭騷。忍復重登綺席。頻玉卮齊舉。銅斗微
敲。漫誇佳勝甚。心情刻畫鸞簫。想殺堂空人靜。簾子
摠依然。其奈香消。便待霓裳再試。花容重整。此事迢遙

從今分付摠抹將剩粉殘翹。向蒼霞深處漁燈社火認
取鴻毛。

望海潮

黃鶴樓上弔孫吳

曹溶

天以漢室時方逐鹿。明公奮勇爭先。戰艦搖虹。朱旂曳
電。誰知衰草寒煙。豎子自堪傳。尚雄蟠水域。身老兵年。
拔劍撚髭滿城佳氣。故宮前。能招募府英賢。向荆門
握槩。吳會投鞭。白面戎師青雲霸器。會言生子當然。成
業坐難遷歎。一隅雌伏。失長幽燕。鐵鎖橫江。鳥飛龍隱
可人憐。

鎮陽懷古

梁清標

雄風河朔燕南都會名城古說中山帶繞滹沱屏開恒
嶽連營劍倚青天王父故宮閒霸圖嘆灰劫鹿走邯鄲
壁返相如墳高頗牧總荒煙軍聲成德當年有北潭
舞榭趙苑歌絃菡萏送香菰菱映水秋來依舊爭妍衰
草冷平原信陵立功後結客空傳戰壘烏啼笛吹關戍
夕陽寒

過錢武肅王祠用秋岳韻

龔鼎孳

銀濤喧鼓銅牙披鬣雄開王氣之先虎步鳳翥鷹揚屢
國登時擁上凌煙冠劍錦山傳有金符玉冊踵武英賢

吳越高門尉佗臺接鷓鴣前。千秋舞榭歌筵賴麾江。
指海勇敢秦鞭。餘耳韓彭紛紛灰燼。曾聞偉伐歸然。風
景逐時遷。賴麗潮息。洄良嶽輸燕。公等無如空言南渡。
是何年。

漳水弔銅雀臺

葉舒崇

水分清濁岸擁波濤。三分霸業誰先。鄴下繁華魏宮佳。
麗高臺曾俯寒煙碧瓦。到今傳美才如繡虎賦。壓群賢。
懊恨東風。二喬虛鎖夕陽前。拚他舞袖歌筵。有五官
飛蓋七子鳴鞭。橫槩英雄。分香兒女。朝來總帳淒然。往
事歲時遷。剩空城長峙。跨趙凌燕。指點荒涼草青疑塚。

又今年

秋登吳山

丁煒

西陵草短南屏霜重登臨客思方賒
江湧銀鰲潮喧鐵馬千年洗盡繁華
落日岸烏紗危欄空拍遍幽恨無涯
葛嶺樓臺吳山宮殿有啼鴉
當年競鬪豪奢任玉津
載酒翠舫迷花栢樹墳高木棉人去
獨松亂起鳴笳鳳舸載宮娃
明湖歌舞路冷浸雲霞
惟見孤山舊時寒月照梅花

題馬貴陽画册

陳維崧

中原蜂擾江東馬渡君臣建業偏安
天上無愁宮中有

慶聲聲玉樹金蓮點綴太平年更尙書豔曲永相蠻牋
月夕花朝那知王濬下樓船華清月照關千悵多時
粉本流落人間可惜當初丹青妙手如何不画凌煙風
景極淒然寫一行衰柳幾處哀蟬展卷沉吟昏鴉蔓草
故宮前。

寶珠洞

成德

漠陵風雨寒煙衰草江山滿目興亾白日空山夜漲清
咽算來別是淒涼在事最堪傷想銅駝巷陌金谷風光
幾處離宮至今童子牧牛羊荒沙一片茫茫有桑乾
一綫雪冷鷗翔一道炊煙三分夢雨忍看林表斜陽歸

雁兩三行。見亂雲低水。鐵騎荒岡。僧飯黃昏。松門涼月。
拂衣裳。

過錢武肅王祠

梁允植

孤虛藏甲。風雲揮劍。軍容步伐。身先電掣。三吳霜馳。百
越妖氛。蕩盡烽煙。霸業幾經傳。看流風逸事。亂世稱賢。
鼙鼓銀濤。萬人齊駑。發潮前。當時競送歌筵。歎塵飛
草偃。君獨先鞭。跨海雄圖。澄湖萬頃。至今廟屋巍然。歷
久祀無遷。笑青衣出汴。翠輦歸燕。江上圖存。空留竿筑。
弔當年。

家司農叔父奉使粵東

溫傳天語威行邊，徵星馳節鉞連宵。四牡嘶風，雙旌戴
月，依依柳拂垂條。攬轡劍橫腰。喜嶺梅送暖，翡翠啼嬌。
瘴癘晴開，小春花發太平橋。孤懷莫悵無聊。看羅浮
春靄，南海新潮。陸賈城頽，尉陀墓冷，千秋幾度昏朝。俯
仰意偏迢。更霜飛甲帳，萬里雲遙。計日燕山，鄉心清夢
一林蕉。

春城桃李

吳本嵩

人家江左，時光寒食，春閒又值春曠。飛燕送香，流鶯啼
夢，驚看花徧山城。脉脉十分情。正玉樓宴罷，金屋粧成。
不比人間鉛華羅綺，鬪輕盈。算來底事，蓬瀛。但煙花

故國詩酒餘生。綠水画船芳堤。寶馬良辰結伴游行。好景記分明。恐孟婆一霎社母三更。又是楊花飄零散作。杜鵑聲。

和少游韻

錢芳標

窮桑一髮銀濤千。似義輪吐盡朝華。徐福不歸成連既去。酸風亂點驚沙。何處碾雲車。有翠旂縹緲珠樹交加。指點虛無個中。如覩織綃家。荒墩又動金笳。正煙將着草霞未成花。樓屋滅來。汀鷗狎罷。人間萬事空嗟。竿影壞孺斜。遶三姑廟側。叢荻神鴉。對此泫泫祇應沉醉。是生涯。

題徐渭文鍾山梅花圖

史惟圓

龍蟠勝地江山如画。金陵景色偏佳。寢殿侵雲宮娥映日。春風十里梅花。路繞鳳城斜。當年恣吟賞樂事無涯。春入江南嬌香豔粉醉吳娃。飄零此際堪嗟。有數行歸雁。幾樹啼鴉。石馬無踪銅駝有恨。隔江試聽琵琶。冷蕊發殘葩。憑君逞妙手。寫盡煙霞。風景依然不須惆悵。憶繁華。

題來青閣

鄒顯吉

暖風遲日。五侯池館。帽簷欹側頻遊。金雀雙鬟。文犀斜領。一行齊上簾鉤。着處總溫柔。記身絲醉染。囑付親收。

屈指重來。今生不擬負風流。十年空敝貂裘。向斜橋
落葉說甚從頭。蛛網塵封燕泥乾盡。更誰同倚粧樓。暝
色不勝愁。歎篆香心字。灰冷難留。試覓題箋。淚痕還染
佩囊不。

乍浦天妃宮觀潮

閨秀 黃德貞

扶桑縹緲霓光。龍采金宮。砥柱銀濤。烽堠星羅。營屯棋
布。驚看碧浪迢遙。萬疊舞鮫綃。恍瓊鰲駕水。白馬凌霄。
一蹴春霆千尋。秋雪勢滔滔。幾回目眩魂搖。羨東南
形勝奇絕。神臯雲佩。莊嚴繡幃。屹峙滄波。晝夜騰驕。浴
日海門潮更昏。微朏時共盈消。聞說蓬瀛。竈梁虛駕。

笑秦橋。

望湘人

旅中九日

梁清標

看門前寶馬橋外紅亭匆匆心事難說袖染餘香巾藏
暗淚愁聽一聲離別萬里羊城五湖鯨浪夢魂飛越憶
昨宵絮話叮嚀會約歸期春月惆悵山長水疊捧鸞
書一紙早辭雙闕正露冷蒹葭依舊河流淒咽孤影裏
對驛燈明滅夜角麗譙吹徹一般樣綠醕黃花辜負重
陽時節

燕

俞南史

惟溪梅卸瓣春社雨收柳汀莎岸飛徧試揀雕梁去依
藻井幾度尋香棲暖蝶舞裁衣鶯簧調曲追陪梁苑惟
汝猶憐惜空闌肯與蕭娘爲伴須把風簾盡捲任分
開翠尾往來如剪還對坐螺屏細認去年人尙如言似
語欲飛還任商量今番瘦減爲我催秋雁書來萬一湘
天逢見。

茉莉

沈未禪

漸黃昏近也淡月簾櫳香膏白斛無價寶合化酥瓊甌
護粉不放等閒開謝拍印尖纖汗潮融溜薄紗幌下正
寂寥簾展相紋冷浸一盃冰麝堪掬清芬盈把想斜

簪晚髻玉釵光亞洗瘴雨蠻煙古斷嫩涼臺榭因尋舊
約題封羅帕多少剪燈低話但曉來枕畔端相未抵昨
宵嬌媿

寓樓微雪味隔垣所見

陳維崧

訝銅街轉處銀井灣頭盈盈霧髻煙鬢又被斜風捲來
微霞越與明粧相襯暗髮裙拖低黏妝閣行來將近想
憐他輕軟纖鬆故把凌波偷印誰念鄰家樓上有他
鄉狂客闌干憑損柱目斷瑤塔難通飛瓊音信料孤館
只晚寒成陣况是歸期無准偏戲弄墻外花梢搖落一
庭新粉

江州曉渡

潘 柟

奈濤聲沸枕秋氣侵肌客魂鄉夢撩亂強起推蓬颯來
何處道是溇陽江畔粉墜蓮房露啼柳眼愴然腸斷况
年來鬢漸生絲應識迷途未晚 回憶江南秋半正古
香風醉新橙齒軟向花嶼楓林買盡溪山遊蕪誰爭取
我百年貧賤捉鼻漫誇不免偏驅去瘴雨蠻煙極目九
疑回雁

飛雪滿群山

爽閣觀雪

錢芳標

欺榻風銛盤鵬雲迥玉塵吹上迴欄翠樓粧罷紅簾軸

處泥他邪酒禁寒幾回迷纈眼訝誰舞遙空珮環萬家
鱗瓦雙峰佛髻飛絮有無間憶曾賦宜春花滿句向
謝莊衣畔斜撲歸鞍灞橋驢滑山陰柁倦浪游總遜鄉
關鴨鱸籠茜袖正人與餅梅對閒若教圖畫瑤臺十二
天半看

青門飲

小飲芬遠寓齋賦

陳枋

夢隔吳頭音聞吳語相逢宛在半塘船任隨意荒闌低
吟把盞忘了天涯羈旅樂故人情話任香醪淺深頻注
無端早又庭收返照亂煙催暮未識年來愁緒却底

事悵悵酒悲無數背暝橫街面風曲巷多少斷魂行路
空館春寒夜奈今宵醉眠何處憐他燕子花梢坐久趁
歸簾戶。

折紅梅

秋日送和叔北遊

陳枋

載巾車一輛漢書挂犢匆匆如許灑天涯涕淚送君渭
城無此朝雨郵籤到處漸霜落薊門煙樹夕陽画角城
上悲語記別館清尊疇昔聽苦過江衛虎正秋不勝
衣茫茫愁緒可能向蕭娘樓畔慶聊市中延佇留君難
任知會何年重聚極望十五五離亭便臨岐還願故

人休去。

薄倖

題壁

曹溶

綠楊絲綰勒馬處。一程雲棧。慢佇想安排此夜。知入誰家。淚眼試說與宿雨餐沙。三秋禁斷。閑簫管。更止酒新盟。攀花密。呪青髻。佯人不煖。向有限關河裏。偏只見悲歡聚散。記粉巾鴛字。歌裙鳳縷。尋思誤把歸期緩。不。干綠淺。要迷踪。困影山尖海角。填情滿。自。懽自。惜。莫負風亭月館。

曉起

吳棠禎

辛夷樓外春睡起。花梢日在。正嬌眼乍開。還倦風動。合歡裙帶。想昨宵明滅銀燈。郎來夢裏人無奈。且官柳描蛾。聖檀画額。小立鏡邊多態。行到鴛鴦池畔。却又被蝶。嗔鶯。恠憶金鈿。蘭草玉笙吹月。錦屏舊日同歡。愛病因誰害。自琴心一許。人前來往。翻多礙。露濃鞋滑。猶摘櫻桃斜戴。

閨門感懷用湘瑟詞韻

陳維崧

春波甸線把船檻。和愁倚徧。記舊日膽娘門巷。只在西橋南轉。靠他家一樹。枇杷流鶯日日啼。歌扇向燕子樓邊。鵝兒酒內。生受花憐柳眷。到今日思量處。空蕪盡。

沉香火慢被東風幾陣晴絲一夜吹將往事連天遠鮫
珠休濺便玉京仙圃也應風景年年換閒愁莫惹城下
紅桃正綻。

舟次惠山再疊前韻

綠楊金線記此地經過百徧曾幕遇水仙祠後月裏遊
船初轉凭幾楞膩粉闌干水晶簾子桃花扇正一色衫
紅兩行蛾綠何處鶯儔蝶眷聽檀板孜孜拍似唱到
小秦王慢恰水煙一派衝開笑語鼓兒搗了人兒遠年
光濤濺也思量再覲重來無奈心情換尋春須早莫待
百花齊綻。

山下與顧景行話舊三疊前韻

風箏脫線向水驛山程繞編笑十載求仙任俠只有金
丹難轉又那知舊侶重逢淒涼似閱秋風扇論紅燭前
情青衫少日曾訂厚盟深眷且與作開元話聲漸緊
四條絃慢算年來爾我行藏畧似交情直比春山遠酒
槽珠濺向當爐小語香醪可許新詞換惹他一笑榴齒
臨風微綻。

一夢紅

秋興

曹爾堪

盼芳洲有白蘋幾許分繞綠溪幽樹老藏鴉蘆深避雁

漁歌喚起沙鷗，輕夢隨一枝短檣，睡過了楓葉，伍塘秋。
惟煞西風，故將殘柳，縮住閒愁。世歎駒陰如駛，挽江
邊逝水，佳麗難留。雲散巫峰，雨昏湘浦，魂消燕子樓頭。
視曾見，偎紅倚翠，就今日霜鬢對寒篝。暗數當年豪舉，
分付東流。

東園屋子

毛先舒

借東園恰三間屋子，好在是清幽。剪紙糊窗，編茅隔水，
水邊別構孤樓。當好夜吹燈兀坐，奏樹陰密處，月如鉤。
鼠嚙殘書，螢穿敗壁，未是窮愁。曉起東窗，初日漫映，
水一片碧，細丹稠。斷續江雲，冥濛海色，望中直過城頭。

想何處最宜高臥是風涼雪快與清秋五柳先生若過
早已歸休。

納涼梅廬

陳維崧

展初停見亂杉深巷門境已空幽一派風廊幾楞鈞檻
微茫人在滄洲軒子外蒼皮怒裂吏紅魚碧鴨漾銅溝
屋小如憚齋虛似舫萬籟颼颼到便捶琴啜茗向水
邊企脚林下科頭卿論殊佳吾狂已甚世間一笑浮漚
儘盡日談空說鬼早豈花棚上月如鈞再噴數聲風笛
催動新秋。

春情

沈謙

漫窺簾愛桃花萬樹新雨拆紅緘近水無言隨風有恨
欹斜實恁嬌憨棲不穩画梁雙燕爲營巢終日語呢喃
似喜仍憂乍暄還冷情緒懨懨 盡道西郊堪賞便倡
條冶藥誰再沾粘淚豈因花病非中酒羞稱宋玉江淹
生受盡孤眠况味眠又起真欲似春蠶忽見隔樓山影
想殺斜尖。

寒食寄方涓仁陸雲士

牛 魚

古墻陰過幾番肥雨斑駁紫苔深客裏蕭條又逢禁火
舊約有夢難尋暫偷眼豔陽風景又飛花片片攪春心
日暮飛來一雙燕子對舞紅襟 忽憶長安遊侶正鳳

城賞徧歸騎駸駸向晚春宮輕燻初散刻燭爭自豪吟
問何處腰輪御柳賸東陽憔悴到如今寂寞飭香酒冷
月影沉沉

一寸金

蓮花

彭孫適

水面新粧小蒼紅約弄煙霧似豔分霞暈倚闌微笑嬌
含檀粉向人低度獨立愁無侶覓舊日張郎何處乍臨
風一種輕盈玉奴初學凌波步此夜瑤臺月明香細
翠袖沾清露問玲瓏秋藕幾時綠盡解妍蓮子爲誰心
苦正隔江欲採盼佳期美人遲暮訴相思有恨無情夢

斷西洲路

遊大小龍渚

董元愷

一柱玲瓏萬象誰驅巨靈鑿或人而偃僂獸而蹄齧連
而弭伏竦而騰躍大小盤空攫昂然峙兩龍搏角窈而
曲如奧如堂石勢參差轉樓閣我入其中鼠通猿引
趾與肩相錯正嵌空幽戶摩崖欲記披皮碧鮮崩崖欲
落游戲天吳窟溼杖屨驚濤噴薄問何方直達巴陵洞
底悲風作

古冢

陳維崧

古寺高丘雨溜松毛土花澁有破空石巘呀然如寶懸

崖鐵編窈然而黑，壞棧盤雲仄。鳥窺處，龍湫深極，誰人作校尉，摸金千載。画衣化煙色。隱隱便房迢迢，夜聲風吼，魚燈遍問珠襦。玉匣幾年，畊破金釵銀椀，誰人拾得。牧子頻吹笛，惹漢武秦皇沾臆。歎多時，藥大城荒，徐福歸何日。

味長平遺鏃

曹貞吉

數點寒鈿入眼，離離土花碧。是咸陽王者，神兵親鑄。沉沙千載，耕夫重得，黯黮黃金色。試磨洗，猶堪穿石。笑平原計誤，馮亭圍合，邯鄲幾輕擲。暗想當年，武安初將疾聲撼趙壁。早沙蟲猿鶴，一軍都化黏雲衰草。戰場如

昔鬼爰西風裏最慘澹天陰月黑乍摩挲線齒銀闌怕
帶青燐跡。

和桐初餞菊用清真韻

蔣景祁

記剪秋光影入屏山小城郭乍憐伊別意洒傾玉液費
他吟興字箋釵脚細倚清真作還彷彿陶家籬落凌波
去采罷芙蓉好製荷衣泛寥廓幾幅蠻箋數枝湘管
曾伴久棲泊憶膽瓶斜插井華初注寒雲一束綠絲旋
約相見還相別只無那夢魂輕薄君長健此會明年休
獨居不樂。

憶故園菊和次山疊清真韻

三徑何如半畝秋。英映溪郭。記親除菊。虎風晨雨。夕護
同杞。犬楓根籬脚。曉起園丁作。待滿院芙蓉開落。登高
節。兄弟成圍幾尺。螺屏冷香廡。兩度京華。三年湘漢。
比爾更漂泊。縱歡余眼見。如逢舊雨。和伊夢說。怕寒初
約。花亦悲秋也。定應怨那人情薄。繁英墜歸去。來分思
灌園也樂。

大聖樂

農境

李符

種芟寬鄉。覆茨老屋。遠空圍翠。渾不知何代。香桃千樹。
吹霞春漲。溪灣波膩。時有綠簑鳴柳。過遠村北。村南三

四里寒沙尾渡小，約斷人晝閒如此。田車趁晴輦水，應一片鋤聲桑柘裏。把竹扉開了，斜陽都在芟塍瓜地。雪鷺滿汀風瀾淺，早添築苔磯。芟暗葦，濃雲起，護潭莊。不通塵世。

胃馬索

送友人南遊兼訊李斯年

朱彝尊

玉驄嘶須把青絲胃他住。燕歌易酒莫辭今夕離亭聚。浮雲一望綠波千里。滿目消魂江淹賦。計落花時節黃陵楚竹湘煙響柔櫓。行旅羅施天末木瓜金筑。且伴參軍作蠻語。亂水孤舟逢人少。惟有冷猿昏雨南尋李。

白問訊何如爲報頻年相思苦道故人別來詩卷總是
人間斷腸句。

味走馬燈

蔣景祁

拓蟬紗幻作桃花帳中舞青絲紫絡匆匆不夜城邊度
汗血奔雲霜蹄掣電好試騰驤孫陽顧笑一場過隙光
陰也賭春風踏花去難任脚杖疾走連鑣緩控寂怕
煙銷霧斜處白袷紅裳相偎久餘煖香鞵誰護暗塵飄
盡嘶影都無况復依稀章臺路漫怨他落銜風緊剪燭
西窗夜深語。

八犯玉交枝

戲味破窗

錢芳標

幾扇紅鶯數條碧界不鎖去春梨夢。猶記如煙停織虛
密約紛紛曾共風驕雨縱。把玉女明粧飄蕭吹綻留仙
縫。分付曉鐘虫撲晴簷蜂弄。夕陽有意最憐小詩罷
誦蟻痕還更篩動。酒醒後聲低聲重。似蘆管寒譙悲送
莫移近香猊蠟鳳。只愁煙漏啼珠凍。待補片疎櫺教人
多買芭蕉種。

瑤華集卷十六

風流子

三十一首

擊梧桐

一首

八寶粧

一首

疎影

十五首

慢卷紉

二首

御帶垂金縷

一首

鬪嬋娟

一首

霜葉飛

一首

過秦樓

五首

高山流水

一首

五綵結同心

二首

江南春

三首

女冠子

竹山體
一首

小梅花

二首

惜餘春慢

四首

蘇武慢

二首

洞庭春色

一首

風流子

送春同芝麓

李雯

誰教春去也。人間恨、何處問斜陽。見花褪殘紅，鶯猶拍澗。
綠思量。往事塵海茫茫。芳心謝錦梭，停舊織。廢月懶新粧。
杜宇數聲，向餘鶯夢碧欄，三尺空倚愁腸。東君拋人易，回頭處，
猶是昔日池塘。留下長楊紫陌，付與誰行。想折柳聲中，吹來不盡，
落花影裏，舞去還香。難把一樽輕送，多少暄涼。

寫懷

千山梅雨歇，翠微裏，冉冉碧雲歸。想萸蘭庭戶，吳天平

暖罷蠶時候越嶺低迷憑闌久朱霞明粉壁黃鳥度新
枝木散荷珠暗成別淚箋餘蕉葉寫起相思登樓攜
手處常牽惹最是珍重聲遲爲數幾回明月應問歸期
念湘竹簾中半殘梔子海棠堦下細點螢兒好箇惱人
天氣獨自難支

掖門感舊

吳偉業

咸陽三月火新宮起傷鎖舊莓墻見殘甃廢磚何王遺
構荒薺衰草一片斜陽記當日文華開講幄寶地正焚
香左相按班百官陪從執經橫卷奏對明光至尊微
含笑尙書問大義共退東廂忽命紫貂重召天語琅琅

賜龍團月片甘瓜脆李從容燕笑拜謝君王十八年來
如夢萬事淒涼。

爲鹿城李三一壽

青山當戶牖秋光霽明月倒壺觴美金粟道人草堂松
竹青蓮居士藜閣文章傳家久朱門開累葉商省付諸
郎綠酒黃花淵明高臥紅顏白髮樊素新粧 登高頻
回首江南舊恨在鐵笛滄浪十載故園兵火三徑都荒
待山園再葺讀書萬卷湖田晚熟縱博千場老子婆娑
不淺儘意疎狂。

長安寒食

梁清標

宵來風撼撼清明候。做出鳳城春正綺陌喧闌塵沙撲
面羽書襍選簿領勞人關情處故園調杏酪上塚碾香
輪榆筴影邊酒旗何處山桃村裏金勒如雲蹉跎時
序改流鶯喚幾度悵望斜曛空聽鶯簫賣罷新燕聲頻
看秋千院落雙垂綵索梨花雨夜深閉重門曾否麗人
水畔身啄紅巾。

虎丘

宋徵璧

悠悠多寄託憑眺處高樹亂啼鶯見錦纜樓船橋橫雙
寺綠楊芳草塔映孤城看不足小山常婉轉淺水任分
明選勝徵歌鬪茶賭酒碧紗紅燭象板銀箏江南佳

麗地千人石總教閱盡陰晴試問當年吳越何處橫行
况館娃宮裏香塵已沒真娘墓側苔草還生只有西江
夜月曾照多情

秋懷

萬錦雯

長天望不極秋容淡羈客渺何依念牢落一身愁來影
共伶仃諸弟別後音稀銷魂處葉兼疎雨下鴻帶斷雲
飛新夢砧回獨堆殘卷矮窗燈映自掩重扉 年華容
易去浮生事無奈日與心違兩鬢星星欲點猶未知歸
想菰米波漂誰尋鷗社釣絲煙捲莫掃漁磯辜負西溪
好景益悔今非

夜飲

清明已過了餘寒淺夜色淨娟娟正燭蠟高燒紅分燕
尾繡簾低掛香煖龍涎闌干外嬌鶯分樹坐倦蝶抱花
眠印石痕斑苔紋浸月舞堤影轉桺帶拖煙閒人如
吾少堪嘯傲何況勝景今偏念此光陰過隙莫負晴天
任玉笛教吹梅花盡落金樽不放竹葉傾全只怕來朝
風雨催散良緣

伎歌

陸求可

花前新酒綠誰相勸賴有莫愁聲正刻羽引商移宮流
徵當筵一曲宛轉分明歌喉逞蕭蕭林木落黯黯碧雲

疑衣着縷金扇低寶月韓娥未去梁上塵驚回風纔
唱罷看欄畔渾似秋後淒清誰念天涯流落淚溼衫青
想花朝月夕等閒度過陽阿白雪無限關情引得周郎
一顧喚作春鶯

寄憶

秦松齡

幾年成夢想無端處喜得見嬌嬈自玳瑁筵開乍逢一
笑芙蓉帳煖共話連宵當此際藏鈎移玉腕按曲和鸞
簫画燭珠簾未醒宿洒淡煙疎雨忍過楓橋風塵搖
落客歸期迫已逐雲散香飄無數別離情事何處能消
只錦帶新歡難忘昨日梅花密約記取今朝此後椒盤

春酒索向無聊。

村居

黃 末

梅花村墅裏三間屋。一帶短籬遮。見杜老堂成滿階。馴
雀蔣卿徑啓。幾樹藏鴉。更兼有長松堪抱膝。高柳好停
車。有客來時三杯桑落。無人到處一徑桐花。道先生
隱者好裁成。芟服買就漁艇。更覺神清秋水骨。秀煙霞
任世上浮沉。風飄耳畔。人間得失絮落天涯。笑指華胥
古道。這是儂家。

又

吾將從此逝。吾何意。吾亦愛吾廬。看眼底浮雲花從開。

謝階前生意草不芟除閑尊去古苔侵石罅流水灌山
厨盃歸來乎一琴一鶴薄言觀者非我非魚何人長
握手有西鄰楚叟解賦能書便喜相逢二老一樣清臞
且白墮三杯胸中浩浩黑甜一枕世外蓬蓬人笑高陽
去後又兩狂且

醉中作

尤侗

吾生祈一夢將進酒結客少年場願貴比五官芙蓉車
蓋豔同三婦歌明釵梁封侯事建牙削白馬挽箭射黃
塵鏡吹歸來角巾辭去拍肩秦華濯足滄浪醒來都
不是青衣鴉馬狗兩鬢秋霜贏得一官孤竹三簞柴桑

只宋玉招魂偶逢神女相如草賦會見君王。且向尊前
醉也長短歌行。

代聞元亮悼人

沈謙

風流難再得尊聚窈何處問仙洲。想別後寄情曾經剪
髮病中求訣不肯回頭。豈知道黃泉聲寂寂碧落恨悠
悠。桂殿初奔搗殘兔。日桃源再訪賺殺魚舟。繁華銷
磨盡三年裏薄倖一覺揚州。最苦難求毒石未得神樓
似亂攀荷藕千絲不斷對燒蠟兩淚難休。反羨伊家
解脫免却閒愁。

留仙有詞和韻

嚴繩孫

荀郎多病後魂消盡依約見傾城正梅粉乍舒舊家門
巷柳絲斜鞦別樣才情更幾度玉釵寒撥火銀甲夜調
筆斗帳珠瑩檀心偷展鳳燈香炮花睡難成無端歸
去也人何處夢裏應喚卿卿空記鴉兒酒煖杏子衫清
怕油壁西陵雨倂風慙美人南國綠怨紅驚爲待蘭舟
催發重聽流鶯

初夏汎舟

宗觀

春光都送盡廉纖雨一霎又梅黃對瀟灑遺民殘棋游
戲風流少俊賦筆清揚須行樂黛圍紅繡亂鏡漾綠萍
長歌板船開聲飄紈扇珠簾人隔影入垂楊昔年真

好事西園夜。一群畫鼓飛觴。畧記狂奴故態。轉盼蒼茫。
歎重城燈散。流鶯能說玉鈎斜落。舞蝶猶香。多少前歡。
如夢明月家鄉。

懷古四首

曹貞吉

三山圍鐵甕。孫郎後。今古幾英雄。憶北府參軍。寄奴王
者。金戈鐵馬。橫據江東。凌歊上。歌風追漢帝。置酒宴群
公。一代偉人。龍行虎步。十年征戰。洛下關中。祇今荒
弔處。佛狸祠下。路煙樹。冥濛爲念。尋常巷陌。社鼓連空。
算碣磧戰地。幾多白骨。金焦名勝兩點青峰。惟見驚濤
滿眼。東去匆匆。京

又

大江流日夜寒潮急寂寞打空城想玉樹曲終梁塵爭
落金釵垂後斜月低橫如今但荒臺存瓦礫廢殿走鼙
鼓桃葉渡頭半篙春水莫愁湖畔一片秋聲南唐成
往事攝山看斷岫夢裏三生千載澄心堂紙撥鐙書名
歎衣冠下謝高低不忝文章庾鮑冷落沙汀依舊龍蟠
虎踞渺渺峰青

金陵

又

宵門懸落日東風軟人立小斜廊是越女靚粧舞停歌
罷捧心無賴展轉迴腸難重問錢江煙水白橋李陣雲

黃歌吹海中荒哉旦暮溫柔鄉裏老矣君王
勾章烽火
火急見姑蘇臺畔長劍如霜誰念嗚已相國自斷危檣
早輕裝一舸浮家遠去功成身退磊落行藏回首故宮
花草難遺苾苾姑蘇

又

英雄開草昧山衣錦萬弩射潮低彼吳越一王高車駟
馬威靈五季玉册金泥驚回首西陵煙月淡葛嶺斷霞
飛三竺六橋老梅曾醉斜風細雨和靖頻題六飛南
幸後西湖比西子綠坼紅欵誰憶金明池水未黍離離
想德壽重華南宮遊處綺羅絃管繚繞蘇隄千載江山

如故還使人悲

錢唐

和鬲仙

秦保寅

當年人隱約桃花路青鳥信悠悠想敲斷玉釵丁香絨
恨渡來銀漢豆蔻含愁如今見華燈催按曲斜日看梳
頭着意矜持低鬟輕笑自然風度無語凝眸 秦娘臯
橋路歸時應不忌曲巷重樓更記酒闌調瑟燭暗撥鈎
怕橫塘夢斷錦書難托山香舞罷翠袖誰收待得梅花
如雪一半春休

題周文夏画册

吳本嵩

舊游彈指過纔披卷彷彿見伊人有萬頃澄波千章喬

木幾重碧巘。一片閑雲都併做。尊鱸歸夢短。山水臥遊頻。藜閣宵殘。禁蓮飄麝。蘭臺晝靜。院栢搖春。閒情供渲染。長康後。應是摩詰前身。想見淋漓盡致。盤礴天真。憶爲時幾。何風流頓盡其人。斯在翰墨還新。多少西州醉眼。淚澆香芸。

無題

趙 鎰

伊人花片似纔黏。水使白肯隨行。記野草征車。金卮共倒。江樓夜雨。画舸同聽。常縈恨。文書疎。欵曲藥餌。減娉婷。湖上風催黃鸝啼。客揚州。夢覺翠被呼卿。春來頻佇盼。經秋過。又見敗葉飄零。辜負長箋。鄭重軟語。丁寧。

自巫峽峒巖人間無雨銀河悵望天上疑星欲問姻緣
離合請話三生

再觀查伊璜女樂

汪懋麟

忽聞仙樂至霓裳曲飛下碧雲霄記楊柳畫樓會邀粉
黛芙蓉水榭再貯妖嬈今何幸徐娘身未老謝傅興偏
饒未免有情紅兒雪面誰能遣此靜婉纖腰時逢殘
雪後金尊倒梅花清夜迢迢擊碎文犀簪子庭葉齊飄
且莫惜千金燈燒夜夜只愁一曲雲散朝朝願借東風
畱住過了元宵

和天篆留別韻

曹亮武

底須長太息。男兒志原自在。天涯算楚尾。吳頭未爲作
客。淮南江北。不當辭家還記取。兼天排遠浪。撲岸湧寒
沙。鐵甕城邊。化爲蝴蝶。隋堤柳畔。撇却桑麻。一江春
水漲。君又去。宛似天上浮槎。切莫臨風相憶。對月興嗟。
料燕羽翩翩也。過春社。鶯啼啼。啞啞也。啄飛花。只怕暮雲
多處。幾陣歸鴉。天篆客廣陵時會寄我京口記夢并夢中所作詞

遊惠山秦園

二泉亭最好。分流處。日夜洗雲根。况翠疊青山。入簾滴
滴雲移。春水映樹鱗鱗。還堪美酒旗。無數。覓身語不特
聞。此日園丁休嫌野老。隔年梅蕊應認王孫。從來繁

華地重留戀。倍覺香霧氤氳。一帶朱欄拂柳。畫檻繁人。
被金尊促起。數聲檀板。鈿車送到。幾隊羅裙。且自牽船。
竟去。莫待銷魂。

月夜感憶

陳維崧

冰蟾飛皓彩。今宵月勝似。昨宵圓。有一片角聲。淒清枕。
畔。三秋桂子。零亂樽前。人生事。千齡渾似夢。百計且求。
仙鳳舞鸞歌。別來幾日。瓊樓玉宇。歸去何年。流霞須。
傾盡。金荷裏。鯨飲併吸。嬋娟。遙憶庾樓。今夕多少英賢。
想月明千里。戰袍不夜。西風萬馬。殺氣臨邊。我搯雲中。
黃鵠。一笑茫然。

錫山慶雲庵感舊

時未如上人新遊

衆山排峭壁西風吼亂葉打茅庵記竹外時逢拈花迦
藥水邊曾值洗鉢瞿曇依稀是鳥啼幽澗北僧送石橋
南萬壑松巖主裴名理半牀蘿月支許清談重經春
來地人誰在祇覺霜信初酣染就千圍楓榭一路杉柀
歎電光石火佛猶如此山丘羣屋人則何堪隱隱前林
瞑翠暗結精藍。

上元和容若韻

蔣景祁

沉吟元夜句香塵去明月逐人來

蘇味道句

喜一曲歌喉暗

隨風度千場舞袖巧作雲裁等芳路綵綉鴛隊合火樹

鳳城開乍可宵行日生殘夜未應春暖花麗瑤臺金
吾何曾禁嬉遊遍誰許喝道籠街望裏鈿車羅帕隱隱
徘徊只玉兔常圓清光如畫銅籠剛徹曉色先催惆悵
江南信杳莫寄寒梅

讀容若塞上諸詞書後卽用元夜元韻

新詞雞祿寒蛟納寫千里暮雲來正鞭勒荒城笳聲吹
斷煙銷古磧劍氣橫裁長征路江隨鴻影度嶺向馬頭
開暗驗刀鐮陰山風雪看題錦字燕月樓臺盈箱堆
紅豆旗亭句早已傳唱銅街更約小園春好花底徘徊
待有酒如懸銜杯休放合毫欲下擊鉢頻催他日南湖

夜色東閣官梅

感舊

閨秀 徐燦

只如昨日事回頭想早已十經秋
向洗墨池邊裝成書
犀蠻牋象管別樣風流
殘紅院幾番春
飲去却爲個人
留宿雨低花輕風側蝶
水晶簾捲恰好梳頭
西山依然
在知何意
憑檻怕舉雙眸
便把紅萱釀酒
只勸人愁
謝前度桃花
休開碧沼
舊時燕子
莫過朱樓
怕殺雙飛
彩翼悞到瀛洲

擊梧桐

秋夜爲岳占六悼鶴

陳枋

立盡亭邊路。魂欲斷。渺渺暮雲平樹。猶記茶煙外。碧苔
靜。慣是踏花矩步。卸書罷也。低徊舞態。吟煞鮑郎一賦。
每到思歸日。便欲借騎上揚州飛去。何日雲間重來
華表。再向城頭傳語。聽遍秋光底。風葉響。滴滴空聞珠
露。冷落吹笙人在。依稀前夜。夢縞衣軒翥。乍爾何開窗
驚視。不見其處。

八寶粧

味未央宮銅奩

曹貞吉

滑上西風漁牀。晚照鐵網千絲。初舉翡翠。迷離光映水。
一片苔痕淒楚。歲陽遺製花天。月地樓臺。蜂黃蝶粉重。

重護細字蟲魚繡斷依稀金縷
未央拋擲何年昆吾
村外溼燐入夜偷聚憤點綴
鮫宮看嫵問飛燕舊時會
否思伴侶銅駝陌上黃昏聽
盡瀟瀟雨算流落人間主
箱也出茂陵去

疎影

落照用白石韻

錢芳標

歸飛屬玉帶斷霞幾縷洲畔尋宿極望長河明滅中流
湘娥儼映斑竹群峰紫翠交疑處一半隔煙江南北怕
画樓未放晶簾賺出影單人獨似線天涯趁盡主孫
尙何處裙草空綠自古無情冉冉西馳不管山丘華屋

寒水舊路虞淵薄。莫再待北鄰吹曲。暫挽留野寺斜紅。
勝榻郭熙千幅。

芭蕉

朱彝尊

是誰種汝把綠天。一片簷牙遮住。欲折還連乍捲還抽。
有得愁心如許。秋來慣與羈人伴。惹多少冷風淒雨。更
那堪一點疎燈繞砌。暗蟲交訴。待把蛛絲拭却。試今
朝留與箇人題句。小院誰來依舊。黃昏明月暫飛還去。
羅衾夢斷三更後。又一葉一聲低語。拚今番盡剪秋陰。
移種櫻桃花樹。

秋柳

西風馬首有哀蟬幾樹高下聲驟村外煙消水際沙寒
斜陽似戀亭堠絲絲縷縷紛堪數更彷彿葉初開候待
月中疎影東西思共故人攜手 搖落江潭萬里繫船
酒醒夜長笛京口讀曲歌殘曉露翻鴉蕭瑟白門非舊
赤欄橋外流雲冷遮不住短牆疎牖話六朝遺事淒涼
張緒近來消瘦

前題和韻

李良年

旗亭隴首正新霜乍點斜日風驟一片秋聲幾樹蕭疎
驚心十里津堠行人欲折還教住爲記得別離時候灑
涓城朝雨如煙曾向画橋分手 何處無情玉笛忍教

一夜裏吹墮江口。繫馬無人認取。寒枝惟有晚鴉依舊。
相思最是鴛鴦渡。應漸冷碧紗窗牖。縱待得來歲春還。
只恐那人腰瘦。

黃梅

歲闌記否。著淺檀宮樣。初染庭樹。嬾趁群芳雪。後春前
年年點綴寒圃。橫斜月淡。蜂黃影長。只傷短炬。低蕊倚
茜裙。欲撚苔枝凍鳥。一雙飛去。依約荷圓。磬小剪來
越鏡裏。先映着。嫵蓓蕾。勻拈細絞。銀絲釵冷。玉魚偏處
還愁羯鼓催無力。沸蟹眼。膽瓶新注。正煖香夢惹江南。
忘了隴頭人苦。

前題

黃庭

一枝雪壓是瓊妃，欲嫁倩伊催。鵬誰識檀奴先占芳名，
悄共歲寒情洽，未須青帝施顏色。微暈處，月黃昏，匝惟
蜂衙釀就花鬚，灑向枝頭凝蠟。猶憶晶簾犀押曉寒，
手折取香透粧合。纒額纔完，扶上釵梁，小鬪金蟲斜插。
鬱金堂後，音書斷，伴瘦影冷眠孤榻。怕花前，往日情懷，
都爲倦遊消乏。

蛛網

曹貞吉

柔絲幾縷學采腸，亂結簷牙低處。雨溼還明，一任風吹，
時有晴塵凝聚。多情慣惱，閑蜂蝶更惹，徧落英飛絮。憶

那回拂面牽衣也解暫留人住。一一疎籬都看晚
紅屋角又添如許。記得前宵鈿盒齊開輸與癡騃兒女。
惟他不得愁城路。只隔斷夢來魂去。把花枝欲拭還休。
獨自凭闌情緒。

咏金絲荷葉

絲縈別浦似嫩荷出水青青如許。弱蒂牽風乍密還疎。
不碍蜻蜓來路。何人種向西窗外。添幾點黃昏微雨。若
遣伴翠葢紅衣玉井更無尋處。誰把嘉名錫汝。傷漢
塘蓼岸歌罷金縷。淺碧初勻手弄柔波淡澹難成珠露。
深秋怕作闌珊別。共三十六陂淒楚。且逐他荇葉出田

一曲風潭清暑。

題朱十蕃錦集

龔翔麟

尊前調別把篋中舊句翻做新闕換羽移宮短拍么絃
恰配酒籌歌節懸鍼垂露香牋劈付扇底春風桃葉是
誰能紉百家衣只許半山人說長水當年卜宅竹梧
小徑裏鷗舫幽絕落拓江湖投老心情一任免華圓缺
無端啓事來青鎖惹雙鬢翻添霜雪問甚時重荷煙鋤
吟過月波樓月。

柳莊

銷夏之一

陳枋

前溪翠窈早通波渡口魚步遮了密密疎疎整整斜斜

柴門碧色娟好。林禽亭午飛無迹。只斷續亂蟬喧噪儘。
綠陰分影東西。趁轉半村殘照。乍又雲拖雨過。千絲
蘸水處。風定猶嬾散髮披襟閒話。鄰翁多凭赤闌橋小。
王瓜喚賣圓沙外。有隔浦趁虛船到。漸濯枝新月紛紛
低拂晚涼多少。

帆影

李符

雙橈且在。趁風旌五兩。挂席吹去。側浸紋波。一片橫斜。
不礙招來鷗鷺。忽遮紅日。江樓暗只認是涼雲飛度。待
翠蛾簾底。憑看已過幾重煙浦。搖漾東西不定。乍眠
碧草上。旋入高樹。秋渚楓灣宛轉。隨人消盡斜陽。今古。

有時淡月依稀見，總添得客愁。淒楚夢醒來，雨急潮湍，倚榜又無尋處。

芭蕉

成德

湘簾捲處甚離披，翠影繞簷遮。住小立吹裾，曾伴春慵掩映，繡牀金縷。芳心一束，渾難展，清淚裏隔年愁聚。到夜深細聽空堦，雨滴夢回無據。正是秋來寂寞，偏聲聲點點，助人離緒。纈被寒生，宿酒全消，攪碎亂蛩雙杵。西風落盡梧桐葉，還賸得綠陰如許。想玉人和露折來，曾寫斷腸詩句。

黃梅花

陸棻

天然正色續。九秋月桂冷，豔珠滴綠萼。丹趺欲占春先。
枝頭早漏消息，緘來碧盎，標題貴見。蓓蕾剖脾含的問。
壽陽學改新粧，點就鴉黃宮額。偏憶亭亭兩樹，矮窗
折數，葢黏住蟬翼。粉壁微曛，銜上蜂鬚，驗取香檀成蜜。
而今伴影長安夜，憔悴煞縷衣金織。剪魚紋融蠟，調脂
巧樣，賽他生摘。

前題

蔣景祁

未應破臘早。一株檀暈和雪低壓舞。月摩娑照水，欹斜
好夢昏黃。巫峽點將鴉額，無深淺，正彷彿漢宮粧法。盼
晴和瓦雀飛來，啄損膩香層踏。小閣風簾乍闔，剩斜

陽檻外獨自蕭颯剪取花枝相對幽窗香伴博山金鴨
羅浮半枕游仙路銷蠟炬夜寒吟榻只隴頭欲寄迢迢
好與一丸封押

前題

橫斜倚榻正裘將冰雪初破萌甲倍蓄珠成渲染衣勻
磬小荷圓都恰分明未蘸山房蜜少花裏遊蜂飛匝想
淡黃衫子呵寒和月闌干一搭 做冷添寒時霎趁鵝
兒酒暖閒賭樽榼金屋香微椒壁燈昏瓣瓣暗消殘蠟
杏花牋上推敲句甚比擬鈿筐犀合倩崔吳研取鉛黃
寫入齊統素箋

慢卷紉

飲斜街舊宅

錢芳標

雙柯小院三楹淨，几六載棲遲處。記秋葉春花無限幽，
懷都教付與銀牋芳醕。割肉歸來，拔釵沽去，投轄聯新
句。在燭跋銅盤，纈眼情騰窗影，驚曙。水萍風絮重來，
舊事皆無據。縱生意依然未盡，攀條悽愴也似仲文枯
樹。燕市悲歌，狗屠列坐，賸有當年侶。只無奈樽前聽罷，
烏棲淚泣如雨。

賦得秦女卷衣

陳維崧

長城西去曉關一，望萬古消魂地。悵漢苑秦宮隴樹洮

雲棧連梁益閣通。燕魏繡嶺渾河。潮陵紅樹鳥鼠山如
髻。有六郡良家四姓小侯。盡隸都尉。金鴻嘹唳。蕭閒
忽憶寒衣事。刀尺擬裁量。文怕帶圍。難記砧響秋宵逾
霽。搗瘦銀蟾。敲殘木葉。疊在紅箱裏。倘寄到軍前。驗取
麻樓翠綉封。淚。

御帶垂金縷

飲嚴顥亭阜園聽莊蝶庵彈琴 丁 彭

小山攢翠清波遶。負郭都栽桑柘。漁篋載酒。見竹籬燈
火。居然村舍。更何論尙書綠野。捉鼻東山猶未免。笑吾
儕早結耆英社。但鷓味共清夜。客抱琴來。溪樹裏暮

雀爭喧煙景如圓水絃乍拂似楚峽猿吟秋風葉下正
小雨竹窗清話傳語諸君須少住聽擣衣一曲多瀟灑
鼓琴者莊生也

鬪嬋娟

山塘見龍舟印事

錢芳標

女墳湖畔凭舷望林腰斜照紅淡笛牀香牒久闌珊尙
餅師山店映幾簇安榴血染誇他蟬扇龍鬚釐僕本消
魂者懶更向橋西點曾倚簾檻時節又近端陽碧菰
煙裏画橈旗繖光閃水犀零落錦帆荒酒醉鴟夷劍莫
漫聽梧宮唱賺臨風且繫鷗汀纜瞥擗眼銀墻罅猶弄

垂楊小樓未掩。

霜葉飛

黃芽菜

沈皞日

曉鋤煙際苔泥淺籬根深種沙背層層分菜細抽心勻
注陂塘水便一似菱鮮藕脆霜天生摘斜町裏看凍抱
筠籠翠袖護纖纖不用井華重洗。炊火檢點山厨并
刀初試也勝萹滑風味調辛寸煮青薺貯香沁牙齦美
佐冷淡晶盤久矣春三秋九園丁事挽小車聲聲喚曲
巷層門半年燕市。

過秦樓

登春申墓

曹鑑徵

浪湧長江潮迴申浦一片君山荒土寒煙寂寞蔓草淒涼
落葉飄零無主曾記公子華堂珠履三千美人歌舞
歎朱英去矣宮門兵起壯心消阻空剩得古樹蕭森
殘碑淪落往事那堪迴顧黃鸝報曉杜宇啼春都是怨
風愁雨只道鐘簾暗移智盡身亾遺羞千古看延陵墓
畔還有椒漿桂醕

松陵城外經疎香閣故址

陳維崧

鳥啄雙環蝶黏交網此是阿誰門第墊巾繞柱背手循
廊直恁冷清清地想爲草沒空園總到春歸也無人至

只櫻桃一樹有時和雨暗垂紅淚。料昔日人在小樓
窗兒簾子定比今番不似。望殘屋角立盡街心何處玉
釵聲膩惟有門前遠山還學當年看峰空翠憶香詞尙
在吟向東風斜倚。

關係才媛葉
瓊章讀書處

虎丘

史惟圓

短簿祠荒真娘墓冷石上但聞歌吹哀絲苦竹巧囀清
謳入耳吳音纖脆今有橫槩健兒秋鶻霜鷹粗豪意氣
唱黃鸝白草如啼似訴許多情事。逞妙手紫撥輕彈
鵬絃雁柱恰有吳兒風味。鏡簫夜月笳鼓秋風總是玉
關人淚聽罷無慘只愁夢到邊頭斷腸如碎囑銀蟾且

駐我倚孤篷未睡。

寒月

陳枋

珠斗微茫銀河滅迹穆穆金波傾瀉釀露調鉛熬霜出
素烘染參差鴛瓦縱有玉案橫堦一片空明虛無人語
只鷓哥不睡白泱泱地時窺簾罅記昔日廿四橋邊
十三樓上指冷洞簫吹罷一柁飄篷半規照我幾處漢
時關下多少淒其伴他籠雪長途收燈獨夜便今宵載
酒浸影匡牀也怕。

感舊

釋宏倫

寂寞琴書蕭條僧舍正是晝長人倦桐陰小徑水墨長

鄰一日幾回行遍。休把往事思量。地愁來重門難掩。
自賓鴻一去。關河千里。夢遙人遠。微記得紅藕塘中。
紫薇花下。立罷暑微涼。淺鳳團聲細。鴨裏煙消。容我簞
紋先展。斜靠紅欄小。亭茉莉香濃。倩題紈扇。嘆雙魚信
杳。忍見塵生筆硯。

高山流水

卽席別吳門諸子返梁溪

陳維崧

西風落拓闔閭城。有爾儂。白恰紅箏。細雨落簷花。吳王
宮外雞鳴屏。當好嫩橋鮮橙。旣如玉乳花雪浪齊傾。三
兩狂夫趁箏琶。未歇促拍調俱成。閒評相逢作達耳。

人世事落絮浮萍。楓橋下幾船夜火一派寒更奈酒醒
人又趨離程早潮平報道山泉待我涼夢先繁儘殘年
漁簑茶竈寄浮生

五綵結同心

和其年惠山蔣氏酒樓感舊

爰丹生

惠山東畔黃公廬側何人爛醉欹眠惟有重來客依稀
聽山頭雨過飛泉元龍百尺干霄氣空淒斷落雁寒蟬
是誰遣風流杜牧幽情追記難全而今揚州花謝祇
月明千里在托冰絃夢破櫻桃淚痕溼透恰比驛路啼
鶉鄰家唱出離筵曲數不盡遠道綿綿風狂煞半簾霜

曉琵琶亭下江船

前題

陳維崧

惠山山下誰氏高樓記曾借我酣眠夜半喧山雨龍峰
頂飛挂百幅簾泉當時尙有玲瓏在憑闌唱落葉哀蟬
可惜是聲聲紅豆憶來大半難全 如今重經樓下只
水流幽咽髣髴鳴絃彈指匆匆舊時燕子換做萬里啼
鵲當壚莫喚樓前客應惟我淚裏紅綿惆悵煞一天明
月滿汀漁火商船

江南春

本意和倪雲林先生

薛信辰

絳口櫻桃玉版筍。百舌啼殘。深院靜。画船簫鼓水中煙。
綠柳鞦韆牆外影。十分春色。三分冷。玉輪正照梧桐井。
花前步障。葛綸巾。香風十里。斷紅塵。蝶舞忙。鶯歌急。
麥苗細。雨濛濛。溼六朝脂粉。悲何及。草邊千古。燐猶碧。
笙簧臺館。仍都邑。惟見青山萬仞。立韶光。駒隙身。浮萍
舟車川。陸方營營。

前題

陳維崧

風光三月連櫻筍。美人躊躇白日靜。小屏空翠颭東風。
不見其餘見彩影。無端料峭春閨冷。忽憶青驄別鄉井。
長將妾淚點紅巾。願作征夫車畔塵。人歸遲。春去急。

雨絲滿院流光溼錦書道遠嗟何及坐守吳山一春碧
何日功成還馬邑雙倚枇杷花樹立夕陽飛絮化爲萍
攬之不得徒營營。

殺日入舊宅

時尙爲里猶
祠神其中

侯 坊

新愁舊愁如剝筍春雨春風白日靜王謝雕梁事已非
乳燕鳴鳩爭弄影靈旗無光宮苔冷別有香雲躡藻井
龍蛇模糊淚染巾繡題猶挂開元塵記三江傳火急
淋鈴古堞鐵衣溼池塘攜手黃泉及雙瞳晶晶波銜碧
有鳥胡不歸城邑滿堂猙獰山鬼立吁嗟結子化爲萍
莫話花飛細柳營。

女冠子

燈市用竹山韻

李符

傷簫吹也秣陵風景難畫銀花相望一城如晝閒却秦
淮冷九飛射護春簾早挂看嬾暗垂羅袖紫姑迎夜上
元時多少舊曲畱與踏歌人耍細腰鼓學花奴打散
落梅千點一在東風借燭殘堆地問翠館幾處倚香題
帕短墻青粉呀六院在時佳麗祇餘情話怕歡游生感
綠珠休照舊勾欄下

小梅花

有感

陳玉基

將進酒爲汝壽。不如意事常八九。黃金臺。生草萊。千秋
萬歲公等安在哉。去年人到今年老。富貴應須置身蚤。
大長秋關內侯。但看東方夫婿居上頭。游閒子莫愁
里。人生行樂耳。恨重重。長樂鐘不見。五陵無樹起秋風。
馬中赤兔人中布。滿眼輕薄何足數。脫紅巾與誰倫。且
作欵欵歷落可笑人。

有感括古語

董元愷

上汝酒。令汝壽。萬事無如杯在手。昆明灰。阿濫堆。黃河
之水朝暮不復回。半生能着幾兩屐。百壺埋我陶家側。
適莽蒼。齊彭殤。誰更仰眠牀上看屋梁。可憐子寒如

此仕宦車生耳。衛子夫。馮子都。二十左右便作執金吾。
孝廉聞一當知。幾奴價。今年應倍婢。歌鳴鳴。攘臂呼君。
獨不見朝趨市者乎。

惜餘春慢

寄興

曹溶

倚玉緣多。留仙命薄。酒與驪歌相應。荷欹翠。柳鶯宿紅。
船歸興。風波不定。還憶綉帳低垂。半捻初成。慊慊愁病。
要東君。着意催溫。送冷。試他情性。大抵是生長豪華。
水肌柔舌未。卜明珠可聘。停鉛試黛。閣雨耽星。剛說才。
人無行。幾度掌內。擎來襯軟。勾鬆一分。猶剩奈從今斷。

雁荒雞何處鶯嬌蝶倖

吳城雨中

梁清標

樹隱千章風輕五兩堤畔人家容與柴門照水沙岸連
檣一片吳城煙雨遙望曉捲疎簾小婦凝粧映窗斜嬾
歎天涯客子三千餘里雁沉汀浦空聞說白苧江東
錦帆南國顛倒醉鄉歌舞寒林半落霜葉猶紅愁見鳧
鷗孤嶼更羨高風此邦孺子荒亭雲卿黃土問江山萬
古茫茫今夜夢回何處

王補臣北上不果和韻慰之

蔣平階

半尺枯髯千絲壯髮常向夫人七首黃金臺廢黑水碑

沉誰是東南一候。自笑月且無憑。陳孺何肥。休文何瘦。
且從君閒看浴鵝池上暮雲歸岫。爲甚事馬蹴河水。
劍磨燕月。忍把初懷頓負。吾衰雖甚。仙訣猶存。呼爾同
騎茅狗。况有囊中素書說。羈論王淘。陳洗舊。莫爭他文
學。鴻都小覩。留賓賢母。

上已感懷同和叔用宋詞韻

陳枋

嘆息何爲睡眠亦得庭掩碧萋萋草。記省年辰尋常巷。
陌燕外遊絲侵曉。那不一觴一味皂莢橋低。天桃門小。
數百花潭底羅裙珠被。今朝多少。知念否四載飄篷。
三番躡柳。獨自天涯煩惱。麗人行處冷節將過。早又落

梅風掃便買征帆竟歸放溜江南好春也老奈了蘭在
手騰騰情思循廊干繞

蘇武慢

述懷

鄒祇謨

九點齊州兩九明鏡南北東西萬里吹簫吳市賣藥咸
陽有箇英雄在裏三千粉黛百萬樗蒲笑殺庸庸餘子
問書生肯向商山謾學餐芝黃綺便教他躍馬中原
揮毫內殿爭羨風流名士奴衣火浣婢捧香囊上客橫
拖珠履肘後黃金腰間白玉消得千年悲喜到歸來細
數繁華不過夢中而已

雪夜宿穎聞上人精舍聽易人吳子操雁落平

沙有感

湯思孝

簷瓦霜華蒲團佛火一夜清光漾滿飄梅送韻繞夢增
愁何處離鴻天半沙碛雲深衡陽煙渺譜盡關山哀怨
添蕭瑟變徵聲悲疑促柯亭絃斷轉自忖老去無家
稻梁謀晚真似鷺棲蘆雁紙櫺空閉鐵被難溫冷落冰
心一片除是禪那頓解雪點麗衣琴彈迦院儘消磨起
舞盤跚莫問祖生雄劍

洞庭春色

歸舟

梁清標

萬里河梁五羊歸櫂夾路春風看荔枝洲畔沉香浦外
簾開樓閣帆動艤艫載得珠江花鳥去更下步香熏兩
袖濃斜陽岸正袍侵草綠衣染鵲紅。 篋藏羅浮舊繭
早辦取舞蝶紗籠問踏歌蠻樂穿花游女尋芳何地拾
翠誰從拋却南天煙月暖喜北望長安紫氣重驪歌裏
聽蘭橈笳鼓驚起鼉宮。